

溫熱類編

卷之四至卷之六

溫熱類編 卷四



溫熱類編卷四

清浙湖凌嘉六先生遺稿

上海秦之濟伯未刪訂

紹興裘慶元吉生校刊

證治篇

濕病通論

(內經)因於溼首如裹濕熱不攘大筋縶短小筋弛長縶短爲拘弛長爲痺

痺

喻氏曰內經因於溼首如裹丹溪解之甚明謂濕者土之濁氣首爲諸陽之會其位高其氣清其體虛故聰明係焉濁氣熏蒸清道不通沈重不利似乎有物蒙之失而不治濕鬱爲熱熱留不去大筋縶短者熱傷血不能養筋故爲拘攣小筋弛長者濕傷筋不能束骨故爲痺弱

薛氏注濕土用事雖屬長夏之氣然土旺四季則感發無時但濕之中人有內外上下之辨濕傷外者雨霧陰濕之屬也濕傷內者酒漿乳酪之屬也濕在上則首如裹謂若以物蒙裹然者凡人行瘴霧之中及酒多之後覺脹壅頭面卽其狀也濕熱濕鬱成熱也攘退也濕熱不退而及肢體大筋受之則血傷故爲絆短小筋受之則柔弱故爲弛長絆短故拘攣不伸弛長故痿弱無力

(難經)濕溫之脈陽濡而弱陰小而急

丁德用注陽濡而弱者肌肉之上陽脈所行濡弱者是濕氣所勝火也肌肉之下陰脈所行小急者是土濕之不勝木故見小急所以言陽濡而弱陰小而急也

(傷寒論)陽明病無汗小便不利心中懊憹者身必發黃

錢塘張氏注陽明病者陽明濕熱病也濕熱留中不能合肺而外行於皮毛故無汗更不能從皮毛而下輸於膀胱故小便不利夫陽明之氣不行於表裏上下則內逆於心中而爲懊憹陽熱之氣留中入胃之飲不布則濕熱晉顯而身必發黃

長洲張氏注外不得汗下不得溺而熱鬱胸中不得泄勢必蒸身爲黃柯氏注陽明病發多汗反無汗則熱不得越小便不利則熱不得降心液不支故雖未經汗下而心中懊憹也無汗小便不利是發黃之原心中懊憹是發黃之兆然口不渴腹不滿非茵陳湯所宜與梔子柏皮湯黃自解矣仲景治太陽發黃有二法但頭汗出小便不利者麻黃連翹湯汗之少腹鞭小便自利者抵當湯下之治陽明發黃二法但頭汗小便不利腹滿者茵陳大黃以下之身熱發黃與誤治而致者梔子柏

皮以清之總不用滲洩之劑要知仲景治陽明重在存津液不欲利小便惟恐胃中燥耳所謂治病必求其本

章氏注雖未誤下而無汗小便不利則其邪熱閉結心中懊憹與胃中

水液鬱蒸而身必發黃也

繆仲醇曰陽明病無汗小便不利心中懊憹者當發黃急用梔子麥冬淡豆豉大劑濃煎與之如已見身黃急加茵陳爲君主之

德按若濕傷太陽風濕寒濕之證則當宗金匱方法不得混同施治劉河間曰傷寒傳變發黃者四有畜血發黃有風濕發黃有溼熱發黃有寒溼發黃大抵發黃多從陽明太陰脾胃屬土故色黃土勝則尅水使小便不利濕熱內變故令發黃陽明者茵陳蒿湯兼太陽者麻黃連翹赤小豆湯兼少陽梔子柏皮湯 吳氏傷寒



蘊要曰大抵發黃則罨麴相似溼熱瘀熱者則多有之陰黃則間
有之也 汪石山選錄趙嗣真曰陽明瘀熱發黃與瘀血發黃外
證及脈未嘗相似瘀血脈微而沈或沈結瘀熱脈則浮滑緊數此
脈狀之不相似也

陽明病被火額上微汗出而小便不利者必發黃

錢塘張氏注此節假火以申上文之意言陽明溼熱爲病而無汗若被
火熏但額上微汗出而小便仍不利者氣機不能流通出入亦必發黃
也

長洲張氏注合上下四條觀之陽明病濕停熱鬱而煩渴有加勢必發
黃然汗出熱從外越則黃可免小便多熱從下泄則黃可免若誤下之
其熱邪愈陷津液愈傷而汗與小便愈不可得矣誤火之則熱邪愈熾

津液上奔額雖微汗而周身之汗與小便愈不得矣發黃之變安能免乎

柯氏注陽明無表證不當發汗况以火劫乎額爲心部額上微汗心液竭矣心虛腎亦虛故小便不利而發黃非梔子柏皮湯何以挽津液於涸竭之餘耶

章氏注邪入陽明化熱必自汗而熱得外越若被火攻反使邪熱內走而上蒸額上微汗出其三焦阻遏小便不利而水濕內留熱蒸其濕必發黃矣

陽明病發熱汗出此爲熱越不能發黃也但頭汗出身無汗劑頸而還小便不利渴飲水漿者此爲瘀熱在裏身必發黃茵陳蒿湯主之

錢塘張氏注陽明病發熱汗出者此爲病在肌表熱氣發越於外不涉

中土故不能發黃若其汗但上出於頭不周於身劑頸而還此熱邪內留於中土土氣不能輸津於下是以小便不利土氣不能散津於上是以渴飲水漿此陽明合太陽之熱留於中土津液不行則濕熱相署身必發黃茵陳蒿湯主之經云春三月此謂發陳茵陳感春生發育之氣因舊本而生蓋能啓冬令水陰之氣以上行梔子導君火之氣以下降大黃推蕩中土之邪熱此太陽內逆之邪當從小便而出氣化水行則中土之濕熱除矣

長洲張氏注瘀熱在裏而用茵陳蒿湯與太陽寒濕身黃如橘者同意然彼因腹微滿此因渴引水漿所以用大黃佐茵陳驅熱利濕也

周氏注溼熱之氣外泄則不裏鬱下滲則不內存豈復有發黃之患若但頭汗而身不得有汗小便復不利則熱勢遏於皮毛之際溼氣鬱於

江陰類編
卷四
軀殼之間欲不爲黃得乎然在太陽身黃如橘子色而用茵陳蒿湯者以腹微滿故必兼大黃此亦用是湯者以渴飲水漿知熱瘀已盛且屬陽明亦必兼大黃而始除也

柯氏注陽明多汗此爲裏實表虛反無汗是表裏俱實矣表實則發黃裏實故腹滿但頭汗出小便不利與麻黃連翹證同然彼屬太陽因誤下而表邪未散熱雖裏而未深故口不渴腹不滿仍當汗解此屬陽明未經汗下而津液已亡故腹滿小便不利渴欲飲水此瘀熱在裏非汗吐所宜矣身無汗小便不利不得用白虎瘀熱發黃內無津液不得用五苓故製茵陳湯以佐梔子承氣之所不及也 但頭汗則身黃而面目不黃若中風不得汗則一身及面目悉黃以見發黃是津液所生病章氏注此條詳敍陽明發黃之證也陽明本證發熱汗出不惡寒而渴

則其熱從外越水由汗泄矣若三焦氣閉經絡不通而身無汗小便不利則溼熱瘀滯隨胃氣上蒸而頭汗出其經氣不通故頸以下無汗溼火鬱蒸身必發黃此亦屬胃之陽黃證故以茵陳蒿湯主之也或曰陽經之脈上頭陰經之脈不上頭其頭汗出而身無汗者陽經氣通陰經氣閉也余曰非也陰經之脈不上頭而行於身之裏陽經之脈上自頭下至足而行於身之表若陽經氣通其身更當有汗則是身無汗者正因陽經氣閉也陽經內通於腑故小便亦不利蓋內經言胃中悍氣循咽而上冲頭中外行諸竅可知頭汗出者溼熱隨胃中悍氣上蒸故也其經絡皆閉則身無汗矣又如人之飲酒卽先出頭汗同一理也

茵陳蒿湯
茵陳蒿六兩
梔子十四枚
大黃二兩
去皮

甘草五錢
生姜三錢
大棗子五個
蜜煎服

茵陳蒿六兩

梔子十四枚

大黃二兩

去皮

甘草五錢

生姜三錢

大棗子五個

蜜煎服

每服

一劑

水三升

火候

服後

汗出

停

服

止

病

愈

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也

權李徐氏注金匱穀殫條曰藥用茵陳梔子大黃乃以開鬱解熱爲主非發表亦非攻裏也蓋茵陳性苦辛寒善開肌肉之鬱梔子輕浮性涼能解內鬱而降屈曲之火大黃雖爲攻下之品然從梔子茵陳則取其相佐以開鬱解熱所以茵陳最多而大黃少也若陰黃則後人以附子合茵陳乃此方之變也

周氏注茵陳足太陽經藥也本草稱其去黃疸及通身發黃者因性微寒則熱爲之解走前陰則溼爲之滲熱溼俱去黃尙得留乎且臣以梔子苦寒能滌太陽之大熱佐以大黃益使之疾雷不及若謂大黃走陽明而不走膀胱豈知君茵陳以三倍則大黃亦惟命是聽矣外內交病



聖人固不敢緩視之也

柯氏注茵陳稟北方之色經冬不凋受霜承雪故能除熱邪留結梔子以通水源大黃以調胃實令一身內外之瘀熱悉從小便出腹滿自減而津液無傷此茵陳蒿湯爲陽明利水之妙劑也

王氏注茵陳散肌表之溼得大黃則兼瀉中焦之鬱熱山梔逐肉理之溼得大黃則兼瀉上焦之鬱熱惟其性皆輕浮故與大黃僅入氣分泄熱利小便建退黃之功與調胃承氣僅瀉無形之熱同義無枳實芒硝不能疾行大便故不得妄稱爲下法

吳江徐氏注茵陳爲主藥先煮茵陳則大黃從小便出此秘法也

尤氏注此下熱之劑氣實便悶者宜之不然不可用

章氏曰溼爲陰邪治之當以通陽化氣爲主其用茵陳大黃者以黃如



橘子色是陽明熱盛之證也若治寒溼多用朮附以扶脾胃之陽豈可不辨陰陽虛實誤用以殺人哉

德按茵陳苦寒燥溼清熱兼治陰黃陽黃爲治黃疸之主藥猶柿蒂刀豆子之治呃逆寒熱藥中俱可加入

傷寒瘀熱在裏身必發黃麻黃連軺赤小豆湯主之

錢塘張氏注此言太陽隨經瘀熱合陽明土氣而發黃也傷寒瘀熱在裏乃太陽傷寒不解隨經而瘀熱在裏循膂內入合陽明中土之氣於內身必發黃宜從裏而達太陽之氣於飢表麻黃連軺赤小豆湯主之用連軺赤小豆啓下焦之陰氣甘草大棗以和中麻黃杏仁生薑梓皮通上焦之氣導瘀熱外出於皮毛 本經連翹主治寒熱鼠瘻心氣客熱今連軺乃小連翹之根能啓陰氣而上滋心火者也赤小豆主治水

腫消渴小便脹滿亦能啓下焦之陰氣以解留中之瘀熱梓木名楸皮色白而氣味苦寒乃秋金之涼品杏仁利肺氣麻黃開毛竅使在裏之瘀熱仍從皮毛而外出於太陽也

長洲張氏注傷寒之邪得溼而不行所以熱瘀身中而發黃故用外解之法設泥裏字豈有邪在裏而反治其表之理哉

周氏注此亦兩解表裏之法也溼熱不行稍見黃色尙未盡出然黃者土色也不入於內何由蒸出爲黃耶故用外汗之藥必兼滲溼之法嘉言以爲不屬於裏過矣不然寒熱相搏一身俱痛久不發黃者豈得謂之在裏哉愚故謂傷寒發黃者必其人脾家素有溼熱更兼寒邪未散兩熱相合遂使蒸身爲黃故必利小便以去溼熱表汗以散寒溼不可缺一然後知太陽發黃正兼膀胱乃與陽明發黃屬胃者不同故篇中

卷之三
揭云不可下句便是通身手眼

柯氏注熱反在裏不得外越謂之瘀熱非發汗以逐其邪溼氣不散然仍用麻黃桂枝是抱薪救火矣於麻黃湯去桂枝之辛甘加連翹梓皮之苦寒以解表清火而利水一劑而三善備且以見太陽發熱之治與陽明迥別也

章氏注此太陽表邪未解故標傷寒而有溼熱內瘀身必發黃故以麻黃解表連軺赤豆等味利肺氣以清溼熱其邪在經絡故從表解之

麻黃連軺赤小豆湯

麻黃

去節二兩

連軺

二兩

赤小豆

一升

德按赤小豆乃五穀中之小赤豆肉酸涼水浸去皮用今肆中之赤小豆

赤皮帶黑肉黃乃廣中野豆名相思子不入藥者也赤小豆最通肝氣去陰分之溼熱外科同木芙蓉用爲瘍毒之聖藥甄權云熱毒癰腫赤

小豆爲末雞子白調塗

杏仁

四十個

甘草

二兩

生梓白皮

一觔

李士材云代以桑白皮今用爲便

生

薑
切
二兩
大棗
十二枚擘

右八味以潦水一斗

錢塘張氏注潦水者取其從下而升蓋地氣升而爲雨謂潦用

先煮麻黃再沸去上沫內諸藥煮取三升分溫三服半日服盡

長洲張氏注傷寒瘀熱在裏身必發黃者因其人素有溼熱汗出不盡

則肌腠之裏爲瘀熱所凝而徧身發黃故宜此湯以取微汗也

麻黃發散表邪杏仁生薑辛散走表連軻瀉經絡之積火梓皮除肌肉之溼熱

小豆降火利水甘草大棗益脾和胃蓋土厚可以禦水溼之蒸觀金匱

治寒溼用麻黃加朮湯其義可見此湯爲汗後表邪未解而溼熱發

黃脈浮者取汗而設茵陳蒿湯爲表裏皆熱脈來轉大不可汗下者而設若夫

分別而設梔子柏皮湯爲表裏皆熱脈來轉大不可汗下者而設若夫

汗後渴而小便不利熱結津液身目皆黃者又當取用五苓加茵陳以

利水爲務也

周氏注凡素有溼之人一感外邪兩相挾持則在外之邪不散而在裏之熱轉增故內熱不能越而爲汗外熱不得入而爲實因瘀爲黃勢所必至然則欲去表熱能不以麻黃汗之乎欲去裏熱能不以連翹梓白皮之苦寒滌之乎但溼不去則熱不可得而解也因復以赤小豆之甘平滲之加杏仁以利肺氣使表裏之熱分消而極黃極赤之便行周身之溼盡矣

柯氏注此湯以赤小豆梓白皮爲君而反冠以麻黃者以茲湯爲麻黃湯之變劑也瘀熱在中則心肺受邪營衛不利小豆赤色心家之穀入血分而通經絡致津液而利膀胱梓皮色白專走肺經入氣分而理皮膚清胸中而散瘀熱故以爲君更佐連翹杏仁大棗之苦甘瀉心火而



南京中医药大学图书馆版权所有